

**ՊԱՐԹԵՎԱԿԱՆ ՏԵՐՈՒԹՅԱՆ ՔԱՂԱՔԱԿԱՆՈՒԹՅՈՒՆԸ ՀԱՅԱՍՏԱՆԻ
ՆԿԱՏՄԱՐ (պարբերացման փորձ)**

ԱՐՄԵՆ ԽԱԶԻԿՅԱՆ

Հայ-պարթևական հարաբերություններն ընդգրկում են ընդարձակ մի ժամանակաշրջան՝ մ. թ. ա. II դ. վերջերից մինչև մ. թ. 226 թ.՝ Պարթևական տերության անկումը։ Մոտ երեքուկեսդարյա այս ժամանակաշրջանը պատմական իրադարձությունների ընթացքով բաժանվում է երկու համարյա հավասար ժամանակահատվածների, ընդ որում ժամանակարան է հանդիսանում Տրդատ I Արշակունու Հայոց արքա հաստատվելու ժամանակամիջոցը՝ 51—66 թթ.։ Եթե մ. թ. 66—226 թթ. ժամանակահատվածի համար ընտրել է հայ-պարթևական հարաբերությունների համեմատական կայուն և անփոփոխ բարի դրացիությունն ու դաշինքը, ապա նախորդ ժամանակահատվածը ընտրվում է այդ հարաբերությունների հաճախակի փոփոխությամբ, զերիշխանության համար պայքարով՝ և մրցակցությամբ։

Փորձենք տալ հայ-պարթևական հարաբերությունների առաջին ժամանակահատվածում (մ. թ. ա. II դ. վերջ և մ. թ. I դ. առաջին կես) Հայաստանի նկատմամբ Պարթևական տերության վարած քաղաքականության պարբերացումը։

Այլ հարցերի հետ մեկտեղ, իրենց աշխատություններում Հայաստանի նկատմամբ Պարթևական տերության վարած քաղաքականության հարցին անդրադարձել են Հ. Աստուրյանը, Ն. Դերբլյուսը, Հ. Մանանդյանը, Կ. Յիգլերը, Թ. Մոմշենը, Ա. Բոկչանինը, Գ. Սարգսյանը, Ս. Երեմյանը և ուրիշներ։ Սակայն նշված դրականության մեջ հարցը հատուկ ուսումնասիրության նյութ չի դարձել, թեև նրա առանձին ժամանակահատվածներ լուսարանվել են։

Ուսումնասիրվող ժամանակահատվածի ղեկավարի շարադրանքը մեղ է հասել Տակիտոսի, Դիոն Կասիոսի, Հովսեփոս Փլավիոսի, Սվետոնիոսի, Պլուտարքոսի աշխատություններում։ Առանձին կարևոր տեղեկություններ են հաղորդում Ստրաբոնը, Պոմպեոս Տրոգոսը, Ապպիանոսը, Պլինիոս Ավագը, Յիցերոնը։ Որոշ մտորումների տեղիք է տալիս նաև Մովսես Խորենացու «Հայոց պատմությունը»։

Ըստ պահպանված տեղեկությունների, հայ-պարթևական հարաբերություններն ի սկզբանե մրցակցային բնույթ են ընդունել թուլացող և մասնատվող Սելևկյան տերության տերիտորիալ ժառանգորդման հարցում։ Հաջողությունը նախ պարթևների կողմն էր, սակայն Տիգրան II-ի (95—55) կառավարման ոկղբում զորեղացած Հայաստանը, հաջողությամբ մրցակցելով Պարթևական տերության հետ, կարողացավ ժամանակավորապես իր գերիշխանությունը հաստատել Առաջավոր Ասիայում, իրեն ենթարկել մինչ այդ պարթևներին հպատակ ընդարձակ տարածություններ Մարաստանում և Հյուսիսային Միջագետքում, տիրանալ Սիրիայի և Փյունիկիայի զարգացած հելլենիստական քաղաքներին և իր ախոյանին զրկել միջերկրածովյան նրկների հետ անմիջական կապերից։ Հայաստանի հզորությունը, սակայն, տևական չեղավ՝ բախվելով նոր նվաճումների ձգտող Հռոմեական հանրապետության շահերին։ Հռոմը, հանձինս Պոմպեոսի, կարողացավ հաջողությամբ օգտագործել հայ-պարթևական մրցակցությունը հզուտ իրեն, դաշինք կնքելով պարթևների հետ ընդդեմ Հայաստանի։ Օգտվելով հայ-Հռոմեական պատերազմից, Պարթևական տերությունը վերագրավեց Հայաստանի նվաճած տարածքները։ Մարաստանում և Հյուսիսային Միջագետքում, Պարթևական զորքերը նույնիսկ ներխուժեցին Հայաստան և պաշա-

1 Հ. Աստուրյան, Քաղաքական վերաբերություններ ընդմեջ Հայաստանի և Հռոմի, Վենետիկ, 1912, Հ. Մանանդյան, Երկեր, հ. Ա, Երևան, 1977, «Հայ ժողովրդի պատմություն», հ. 1, Երևան, 1971, N. Debevoise, A political history of Parthia, Chicago, 1938; K. Ziegler, Die Beziehungen zwischen Rom und dem Partherreich, Wiesbaden, 1964; Т. Момзен, История Рима, т. V, М., 1936; А. Бокщаннин, Парфия и Рим, ч. II, М., 1936.

րեցին Արտաշատը², Երկու ճակատով պատերազմելու և պառնալիքի տակ Տիգրան II-ը հրաժարվեց իր նվաճումներից Սիրիայում և Փյունիկիայում՝ հօգուտ Հռոմի, Հայ-պարթևական մրցակցությունը, սակայն, դրանով չավարտվեց։

Հռոմի արևելյան քաղաքականությունը Առաջավոր Ասիա նրա ներթափանցման ամենասակարհից ուղղված էր տվյալ ոեգիոնում իր անբաժան տիրապետության հաստատմանը՝ տրենսսպիրիտ զարգացած և ստրատեգիապես կարևոր տարածքների աստիճանական անցքային միջոցով։ Սակայն Առաջավոր Ասիայի պետությունների և ժողովուրդների ցույց տված ուժեղ, տեղական դիմադրությունը Հռոմին հարկադրեց արդեն նվաճված տերիտորիաների պաշտպանությունը ապահովել սահմանային կախյալ պետությունների համակարգի միջոցով, որն իր վրա պետք է ընդուներ թշնամու առաջին հարվածը, մի տեսակ ռուֆերա հանդիսանալով հակառակորդ կողմերի միջև։ Հռոմը ժամանակավորապես նույնիսկ օժանդակում և ամրապնդում էր դաշնակից ռուֆերային պետություններին, ընդարձակում նրանց սահմաններն ի հաշիվ ուրիշների հետ վիճելի երկրամասերի։ Տվյալ դեպքում արդեն Տիգրան II-ի հետ Պոմպեոսի կնքած դաշնագրի հետևանքով Հայաստանը ռուֆերիա դեր պետք է կատարեր Հռոմի և Պարթևական տերության միջև, ապահովելով Հռոմի արևելյան տիրույթների անվտանգությունը։

Աղբյուրները վկայում են, որ Հայաստանը Պոմպեոսի բացահայտ զօանդակությամբ կարողացավ իր գերիշխանությունը պահպանել Կորդոքի և Հայոց Միջագետքի՝ պարթևների կողմից վիճարկվող տարածքների վրա։ Սա ոչ այլ ինչ էր, եթե ոչ Հռոմի կողմից հայ-պարթևական թշնամության գիտակցական հրահրում իր տիրույթների ապահովության համար և բարեկամական փոխհարաբերությունների ցուցադրում դաշնակից Հայաստանի նկատմամբ։

Հայաստանի նկատմամբ Պարթևական տերության քաղաքականության մեջ էական փոփոխություն է նկատվում Առաջավոր Ասիայում հռոմեական ագրեսիայի հետագա ուժեղացման հետ կապված։ Մ. թ. ա. 54 թ. Կրասոսի սկսած պարթևական արշավանքն արմատապես փոխեց միջադպրի քաղաքական վիճակն Առաջավոր Ասիայում։ Այժմ արդեն երկու հակառակորդի դեմ պատերազմելու սպառնալիքը կախված էր Պարթևական տերության վրա։ Հայոց Արտավազդ II արքան մտադիր էր անմիջական մասնակցություն ունենալ Կրասոսի արշավանքին։ Նա նույնիսկ առաջարկեց հռոմեական բանակն անցկացնել Հայաստանի տարածքով և հայկական զինված ուժերի մոտ կսուր նրան միացնել։ Ստեղծված իրավիճակում Պարթևական տերությունը արմատապես փոխեց իր քաղաքականությունը Հայաստանի նկատմամբ, ձգտելով զբաղվել հայերի հետ և դաշնակից ձևով բերել սկսված պատերազմում։

Աղբյուրների վկայությամբ Պարթևական Օրոդես թագավորը ներխուժում է Հայաստան, ձգտելով խանգարել հայ զորքերին՝ միանալու Կրասոսի բանակին³, Հայոց Արտավազդ II արքային, որը փորձում է նամակով բացատրել իր օժանդակության բացակայության պատճառը, Կրասոսը աներկմիտ պատասխան է տալիս, թե չի կարող հիմա ժամանալ լուսի վաղվելու Հայաստանով, բայց հետո կվերադառնա և հաշիվ կտեսնի Արտավազդի հետ դավաճանության համար⁴։ Գրան հակառակ պարթևական թագավորը Հայաստանին հաշտության առաջարկ է անում։ Կրասոսի նման պատասխանից հետո, ստեղծված պարագաներում Արտավազդի միակ ճիշտ և բնական քայլը պիտի լիներ փորձել խաղաղեցնել ներխուժած պարթևներին, համաձայնության գալով նրանց հետ։ Այդ հանգամանքներն էին պատճառը, որ Հայաստանը փոխեց իր դիրքորոշումը և մ. թ. ա. 53 թ. բարեկամական դաշինք կնքեց Պարթևական տերության հետ։ Դաշինքն ամրապնդվեց դինաստիական ամուսնությամբ՝ Արտավազդ II-ի քույրը կնության տրվեց պար-

² Cassius Dio, Historia Romana, XXXVI, 51, 2.

³ Plutarch, Pompeius, 36; Cassius Dio, XXXVII, 7, 3; Appian, Mithridatica, 106.

⁴ Plutarch, Crassus, 19, «Հայ ժողովրդի պատմություն», հ. I, էջ 605—606.

⁵ Cassius Dio, XXXVII, 7, 4.

⁶ Plutarch, Crassus, 33; Cassius Dio, XL, 16, 1—3.

⁷ Plutarch, Crassus, 22.

⁸ «Հայ ժողովրդի պատմություն», հ. I, էջ 608.

թի թագաժառանգ Բակուրին⁹։ Հայ-պարթևական մրցակցությունն այսպիսով փոխարինվեց դաշնակցությամբ՝ ընդդեմ երկուստեք սպառնացող հռոմեական ագրեսիայի։

2. Աստուրյանի կարծիքով հայ-պարթևական մրցակցությունը շարունակվել է մինչև Անտոնիոսի կողմից Արտավազդ II-ի գերեվարվելը¹⁰, ինչը, սակայն, բերվող փաստերով հերքվում է։ Խառանի մոտ Կրասոսի բանակի ջախջախումը պատմական մեծ նշանակություն ունեցավ Մերձավոր արևելքի երկրների համար։ Հռոմեացիների անպարտելիության փառքը հողս ցնդեց, մեկուկես տասնամյակով կանգ առավ հռոմեական հետագա ագրեսիան դեպի Արևելք, ինչին, իհարկե, ջատ բանով նպաստեց նաև Հռոմում ծավալված քաղաքացիական պատերազմը Կեսարի և Պոմպեոսի միջև։ Հռոմեական բանակի պարտության ուղղակի հետևանքներից կարևորագույնն այն էր, որ Առաջավոր Ասիայում հռոմեական տիրույթները մնացին անպաշտպան, իսկ նրանց ազդարանակցությունը, որն արդեն մեկ տասնամյակ ճաշակում էր հռոմեական տիրապետության պտուղները, ազատագրության հույսեր ունեցավ¹¹։

Պիոն Կասիոսի վկայությամբ, մ. թ. ա. 51 թ. արքայազն Բակուրի և զորավար Օսակեսի զլխավորությամբ պարթևական զորքերը ասպատակում են անպաշտպան մնացած հռոմեական Ասորիքը¹²։ Ուսումնասիրողներից ոմանք հանձնին օսակեսի տեսնում են հայ (Վասակ) զորավարի և հավանական համարում հայկական զորամասերի մասնակցությունն այս և հետագա արշավանքներին¹³։ Այս ենթադրությունը հաստատվում է Յիցերոնի վկայությամբ, որ հռոմեական իշխանությունները վախենում էին հայկական զորքերի ներխուժումից Կապադովկիա և Կիլիկիա։ Յիցերոնը, որն այս ժամանակ Հռոմի կուսական էր Կիլիկիայում, իր գործողություններով կանխում է սպասվող արշավանքը¹⁴։ Մ. թ. ա. 50 թ. ամռան Օսակեսը սպանվում է մարտում, իսկ Բակուրը հետ է կանչվում հռոմեական դիվանագիտության հրահրած պալատական խարդավանքների պատճառով։ Աղբյուրները վկայում են, որ Ասորիքի նմանօրինակ ասպատակություններն ընդմիջումներով շարունակվում են և հետագա տարիներին¹⁵։

Մ. թ. ա. 40 թ. պարթևական զորքերը, հավանաբար հայ զորամասերի մասնակցությամբ, հռոմեացի վտարանդի Քվինտոս Լարինոսի, արքայազն Բակուրի և զորավար Բարդաիրանի հրամանատարությամբ ներխուժեցին Կոմագենե, Ասորիք, Պաղեստին և առաջացան Փոքր Ասիայի խորքերը¹⁶։ Այս անգամ արդեն Հռոմի արևելյան տիրույթները հակառակորդի կողմից գրավվելու լուրջ սպառնալիք ստեղծվեց։ Հռոմեական Արևելքի կառավարիչ Անտոնիոսը ստիպված էր թշնամուն դիմադրավելու համար այստեղ նոր լեգեոններ ուղարկել։ Մ. թ. ա. 38 թ. Ասորիքում Անտոնիոսի տեղապահ Վենտիդիոս Բասոսը կարողացավ ջախջախել պարթևական զորքերը։ Արքայազն Բակուրը սպանվեց մարտում, իսկ պարթևների կողմն անցած քաղաքներն ու երկրամասերը դարձյալ հպատակեցվեցին Հռոմին։

Արքայազն Բակուրի մահը դինաստիական փոփոխություններ առաջացրեց Պարթևական արքունիքում։ Մ. թ. ա. 37 թ. Օրոդես II-ը արքայական գահը հանձնեց իր բազմաթիվ որդիներից ավագին՝ Հրահատ IV-ին¹⁷։ Հաստատվելով գահին, Հրահատն առաջին հերթին սպանել տվեց հորը¹⁸։ Պոմպեոս Տրոգոսի հաղորդմամբ Հրահատը նաև հրամայեց սպանել իր երեսուն եղբայրներին իրենց ընտանիքներով և անգամ լափահաս որդուն՝ Երպեսզի լմնա մեկը, որին կարելի չէր թագավոր կարգել իր փոխարենն¹⁹։ Պետք է կարծել, որ նման ճակատագիր վիճակվեց

⁹ C i c e r o M., Epistolae ad familiares, XV, 3, 1; P l u t., Crass., 33.

¹⁰ 2. Աստուրյան, նշվ. աշխ., էջ 161—162:

¹¹ C a s s. D i o, XL, 28.

¹² Նույն տեղում:

¹³ 2. Մանանդյան, նշվ. աշխ., էջ 252, «Հայ ժողովրդի պատմություն», հ. I, էջ 610.

Г. Х а л а т я н ц. Очерк истории Армении, М., 1910, с. 230.

¹⁴ C i c e r o, Epist. ad fam., XV, 2, 3.

¹⁵ A p p i a n i s, Bellā civilia, IV, 58.

¹⁶ N. D e b e v o i s e, նշվ. աշխ., էջ 109.

¹⁷ J u s t i n i, Epitoma, XLII, 11, 16; C a s s. D i o, XLIX, 23.

¹⁸ P l u t., Crass., 33.

¹⁹ J u s t., XLII, 5, 1—2.

Նաև Բակուրի կնոջ ու զավակներին որպես գահի հնարավոր թեկնածուների և որոնց համար Արտավազդ II-ը եզրայր և քեռի էր հանդիսանում:

Սկզբնաղբյուրներում պահպանված այս տեղեկությունները բերում են այն եզրակացության, որ նշված իրադարձությունների հետևանքով հայ-պարթևական դաշնակցությունը հավանաբար ժամանակավորապես խախտվեց կամ էլ իր ուժը կորցրեց: Հայաստանի և Պարթևական տերության դաշնակցության խզման այս հավանական պատճառը, ինչպես և բուն փաստը, դուրս են մնացել ուսումնասիրողների ուշադրությունից: Վ. Տարնը, օրինակ, գտնում է, որ Արտավազդ II-ը զոհն զաղտնի բարեկամական հարաբերություններ ունեն շրահատ IV-ի հետ՝ ընդդեմ հռոմեացիների²⁰: Նման պնդումը, կարծում ենք, հեռու է ճշմարտությունից: Որ Օրոգես II-ի սպանությունից հետո հայ-պարթևական դաշնակցությունը ժամանակավորապես խզված էր, վկայում է այն փաստը, որ Անտոնիոսի բարոյալքված բանակն անհաջող պարթևական արշավանքից հետո Հայաստանում ընդունելություն գտավ և պարենավորվեց: Արտավազդ II-ի և շրահատ IV-ի թեկուզև զաղտնի դաշնակցության դեպքում այն պարզապես կոչնչացվեր: Իհարկե, իրադարձությունների բերումով, Հայաստանը և Պարթևական տերությունը պետք է որ շարունակեին դաշնակցային հարաբերությունները երկուսին էլ սպառնացող հռոմեական ագրեսիայի դեմ, սակայն վերը բերված պատճառներով Արտավազդ II-ի կառավարման վերջում այդ դաշնակցությունը ժամանակավորապես խզվել էր: Հանգամանքների բերումով դաշնակցությունը խզող կողմը ավելի շուտ Հայաստանն էր: Պարթևական տերությունն այս ժամանակաշրջանում էլ կարծես թե շարունակում էր Հայաստանի նկատմամբ վարել նույն քաղաքական գիծը, ձգտելով վերահաստատել նախկին դաշնակցությունը: Համենայն դեպս, ո՛չ Անտոնիոսի պարթևական արշավանքի ժամանակ և ոչ էլ մինչև նրա կողմից Հայաստանի գրավումը, Պարթևական տերության կողմից Հայաստանի նկատմամբ թշնամանքի որևէ դրսևորման մասին աղբյուրները ոչինչ չեն հաղորդում:

Հռոմի տիրապետությունն Արևելքում վերականգնելուց հետո Անտոնիոսը պատրաստվում էր իրականացնել Կեսարի հղացած պարթևական արշավանքը՝ Հայաստանի վրայով: Սակայն ի տարբերություն Կեսարի, Անտոնիոսը վաղաժամ համարեց օկուպացնել Հայաստանը, ավելի ձեռնառու համարելով վերջինիս զորական ուժն օգտագործել ընդդեմ պարթևների²¹: Պարթևական արշավանքը սկսելուց առաջ Անտոնիոսը պետք է Հայաստանը կրկին ներքաշեր հռոմեական ազդեցության ոլորտը՝ վերանորոգելով Հռոմի հետ նրա բարեկամությունն ու դաշինքը: «Այս պրոբլեմի լուծման անհրաժեշտությունը բխում էր արշավանքի նախագծի բուն էությունից, որը կառուցված էր Հայաստանը պատերազմի մեջ ներքաշելու հաշվարկով, որպեսզի դրանով իսկ հնարավոր լիներ օգտագործելու սրա զորական ուժերը²²: Այս առումով հայ-պարթևական դաշինքի խզումը զուգահեռապես Անտոնիոսի շանքերին և զգալիորեն դուրացրեց դրանց իրականացումը:

Մ. Թ. ա. 37 թ. վերջին Անտոնիոսի լեգատ Կանդիդոս Կրասոսը, զորական մեծ ուժերով, դիվանագիտական առաքելությամբ ուղարկվեց Հայաստան, Իբերիա և Աղվանք՝ այս երկրները Հռոմի հետ նորից դաշնակցության հակելու²³: Նկատի առնելով Հռոմի կողմից Հայաստանն օկուպացնելու հավանականության վտանգը (պարթևների հետ խզված դաշնակցության պայմաններում), Արտավազդ II-ը ստիպված էր կրկին ճանաչել իրեն Հռոմի «դաշնակից և բարեկամ»՝ համաձայնվելով իր զորքերով մասնակցելու պարթևական արշավանքին:

Հայաստանը կրկին հայտնվեց «մուրճի և զնդանի» միջև՝ նրան հարկադրում էին Պարթևական տերության դեմ պատերազմին մասնակցել Հռոմի կողմում, ինչում նա բնավ չահագրգռված չէր: Հռոմի հաղթանակը միայն նոր սպառնալիքներ կառաջացներ Հայաստանի անկախությանը: Մյուս կողմից, արքայազն Բակուրի և Օրոգես II-ի մահվամբ ժամանակավորապես խզվել էր դաշնակցությունը պարթևների հետ: Ստեղծված իրավիճակում Հայաստանի համար լավագույն և բնա-

²⁰ „Cambridge ancient history. Cambridge Mass.“, vol. X, 1934, p. 72—73.

²¹ Հ. Մանանդյան, նշվ. աշխ., էջ 257:

²² Ս. Тер-Исраелян, Место армянской конницы в военном плане римского командования в связи с началом парфянского похода М. Антония («Научные труды Арм. гос. пед. института», № 1, Ереван, 1966, с. 107).

²³ T. R. Holmes, The architect of the Roman Empire, Oxford, 1928, p. 122.

կան ելքը երկու տերությունների նկատմամբ չեզոքության, սեփական զորական ուժերը հայ-րենիքի անկախության պաշտպանության համար պահպանելու քաղաքականությունն էր, որպիսին է փորձեց վարել Արտավազդ II-ը: Այս իմաստով պետք է հասկանալ Գիոն Կասիոսի խոսքերը, որ «Հայոց արքան... երբ նա պետք է որ օգներ հռոմեացիներին, ինչպես ասում են ոմանք, չարեց դա և չմիացավ Անտոնիոսին, այլ վերադարձավ իր երկիրը»²⁴: Հետագա իրադարձությունները, սակայն, ցույց տվեցին, որ Հայաստանի չեզոքության քաղաքականությունը այն պայմաններում, երբ տերություններից որևիցե մեկի գերակշռության հարցը Մերձավոր արևելքում դեռևս լուծված չէր, անընդունելի էր և՛ Հռոմի, և՛ պարթևների համար:

Անտոնիոսի պաթեական արշավանքը տխուր արդյունք ունեցավ: Հռոմեացիք մեծ կորուստներ տվեցին, իսկ Հռոմի հեղինակությանը ծանր հարված հասցվեց²⁵: Հայնորեն տարածվեց այն կարծիքը, որ պարթևներն իրենց երկրում անհաղթելի են: Արշավանքի անհաջողության մեջ Անտոնիոսը մեղադրեց Հայոց արքա Արտավազդ II-ին և «խիստ ծարավի էր նրանից դրա համար վրեժխնդիր լինելու»²⁶: Տարբեր պատրվակներով իր մոտ հրավիրելով Արտավազդ II-ին և հայոհության շահանելով, Անտոնիոսը մ. թ. ա. 34 թ. մեծ բանակով ներխուժեց Հայաստան, խաբույթյամբ ձերբակալեց Հայոց արքային և տարավ Ալեքսանդրիա: Նվաճված Հայաստանի թագավոր Հայտարարվեց Անտոնիոսի և Կլեոպատրայի փոքրահասակ որդի Ալեքսանդրը:

Ինչպես իրավացիորեն մատնանշված է գրականության մեջ, Անտոնիոսի կողմից Հայաստանի գրավման և Արտավազդ II-ի «դավաճանության» մտացածին մեղադրանքի իրական պատճառն այն էր, որ Անտոնիոսը՝ որպես զորավարի, հեղինակությունը կարոտ էր օթնամու նկատմամբ հաղթանակի, իսկ զորքին վճարելիք միջոցները՝ համալրման, որպիսի հնարավորություն Անտոնիոսին ընձեռել կարող էր տվյալ պարագաներում միայն Հայաստանը²⁷:

Հռոմեական գերությունից խուսափեց միայն Արտավազդ II-ի ավագ որդին՝ Արտաշեսը, որին հայոց զորքերը հոր փոխարեն ընտրեցին արքա: Սակայն անհավասար պայքարում հռոմեական զորքերից պարտվելով, Արտաշես II-ը (մ. թ. ա. 30—20 թթ.) ստիպված էր հեռանալ երկրից և ապաստանել Պարթևական արքունիքում²⁸:

Անտոնիոսի կողմից Հայաստանի այսքան հեշտ նվաճումը հետևանք էր թե՛ հայ-պարթևական դաշնակցության խզման և թե՛ Ատրպատականի արքա Արտավազդի դիրքորոշման, որը, գրեթե վերջով Հրահատ IV-ի հետ և ցանկանալով հայոց Արտավազդ II-ից վերժխնդիր լինել այն բանի համար, որ նա հռոմեական զորքերին թույլատրել է անցնել իր երկրով՝ դեպի Ատրպատական²⁹, բանակցությունների մեջ էր մտել Անտոնիոսի հետ և ի վերջո նրա հետ դաշինք կնքեց ընդդեմ պարթևների, իր դստերը ամուսնացնելով Անտոնիոսի որդու՝ «Հայոց արքա» Ալեքսանդրի հետ³⁰:

Ատրպատականի և Հռոմի դաշնակցությունը լուրջ սպառնալիք ստեղծեց Պարթևական տերությունը: Այս իրավիճակում բնական էր, որ հանձին հռոմեական լուծը թողնելու համար պայքարող հայ ժողովրդի և Արտաշես II-ի Պարթևական տերությունը պետք է տեսներ իր օրինական դաշնակցին ու ամեն կերպ օժանդակեր այդ պայքարին: Օգտվելով մ. թ. ա. 31 թ. Ակեցիումի ճակատամարտում Օկտավիանոսից Անտոնիոսի կրած պարտությունից, որի հետևանքով Հայաստանը կառավարող Ատրպատականի Արտավազդ թագավորը զրկվեց հռոմեական օժանդակությունից³¹, Արտաշես II-ը պարթևների հետ դաշնակցած, կարողացավ վերագրավել Հայաստանը և վերականգնել հայրենիքի անկախությունը³²: Ի նշանավորումն այդ վաստի և ի

²⁴ Cass. Dio, XLIX, 25, 5.

²⁵ Հ. Մանանդյան, նշվ. աշխ., էջ 266:

²⁶ Cass. Dio, XLIX, 31, 2—3.

²⁷ Հ. Մանանդյան, նշվ. աշխ., էջ 266:

²⁸ Cass. Dio, XLIX, 39—40.

²⁹ Cass. Dio, XLIX, 33.

³⁰ Plutarchi, Antony, 50; Josephus Flavius, Antiquitae Iudicae, XV, 104.

³¹ Հայաստանը կառավարող Մար Արտավազդին Անտոնիոսը տրամադրել էր հռոմեական զորամասեր և նրանից ստացել ատրպատական հեծելազոր: Ակեցիումի ճակատամարտին պատրաստվելով, նա հետ կանչեց իր զորքերը, բայց և չվերադարձրեց Մար Արտավազդի հեծելազորը, ինչը պարագրեց սրա պարտությունը:

³² Cass. Dio, LI, 16, 2.

վրեժ հերոսության մեջ Արտավազդ II-ի մահապատժի, Հայաստանում գտնվող բոլոր հռոմեացիները (առևտրականներ, հարկահավաքներ, ռազմագերիներ) ոչնչացվեցին³³։ Հայ-պարթևական զաշնակցությունը այսպիսով, սկիզբ առնելով Արտավազդ II-ի կառավարումից, որոշ ընդմիջումներով շարունակվեց նաև Արտաշես II-ի օրոք։

Հայաստանի նկատմամբ Պարթևական տերության վարած քաղաքականության մեջ նոր փոփոխություն կատարվեց մ. թ. ա. 20 թ. կնքված հռոմեա-պարթևական համաձայնագրի հետևանքով։

Մի քանի անհաջող փորձեր անելով դիվանագիտորեն համաձայնության գալու Պարթևական տերության հետ, Օգոստոս կայսրը, աղբյուրների վկայությամբ, մեծ զորաբանակով շարժվում է դեպի Եփրատի ձախ կողմից սառն թե պատերազմի նախապատրաստություն էր, այլ ռազմադիվանագիտական մի ցույց էր, որը պետք է նպաստեր Հրահատ IV-ի հետ համաձայնագրի կնքմանը և Արևելքում Հռոմի գերիշխանության հաստատմանը³⁴։ Մ. թ. ա. 20 թ. մայիսին Հռոմի և Պարթևական տերության միջև կնքվում է պայմանագիր³⁵։ Ստրաբոնի ցուցումը, որ «Եփրատի Պարթևական տերության սահմանն է»³⁶, թույլ է տալիս ենթադրել, որ ըստ պայմանագրի պարթևները հրաժարվել են Եփրատից արևմուտք ընկած տարածքների նկատմամբ հավակնություններից։ Պայմանագրի համաձայն պարթևները վերադարձրին Կրասոսի և Անտոնիոսի լեգեոններից խլված զորքերը և ողջ մնացած գերիներին։ Ա. Ստեփանյանի բնորոշմամբ, Օգոստոսի այս քաղաքականության նպատակն էր ստեղծել քաղաքական մի ամուր սխտեմ, որը պետք է ապահովեր Հռոմի գերիշխանությունն Առաջավոր Ասիայում, իսկ դրա հաջող իրականացումն էլ հնարավոր էր միայն Հայաստանի նկատմամբ խիստ հսկողության սահմանումով³⁷։ Հռոմեա-պարթևական այս համաձայնագիրը, անշուշտ, վերաբերում էր նաև Հայաստանին, թեև այդ մասին աղբյուրներում ուղղակի տեղեկություններ չեն պահպանվել։ Դիոն Կասիոսը հաղորդում է, որ հայերից ոմանք Օգոստոս կայսրից խնդրում են Արտաշես II-ի փոխարեն թագավորեցնել նրա եղբորը՝ Տիգրանին, որը Հռոմում պատանդ էր³⁸։ Փաստորեն Հռոմի ռազմադիվանագիտական ճնշման տակ Արտաշես II-ը զավաղաբար սպանվում է և Հայաստանում թագավորեցվում է Տիգրան III-ը (մ. թ. ա. 20—6 թթ.)։ Հայաստանի նկատմամբ Պարթևական տերության քաղաքականությունը հռոմեապարթևական համաձայնագրի հետևանքով պատիվ ընույթ է ընդունում։ Սկսած մ. թ. ա. 20 թ. Պարթևական տերությունը համարյա թե չի խառնվում Հայաստանում ծավալվող իրադարձություններին, լռելային հանդուրժելով Հայաստանի զահակալության խնդրի լուծման Հռոմի գործողությունները։

Որո՞նք էին պարթևական պատիվ, հանդուրժողական քաղաքականության պատճառները Ինչպես դիպուկ նշել է Ի. Գոլովկոն «Մ. թ. I դարի շմին Պարթևական տերությունը ներքաղաքական սուր պայքարի շրջան էր ապրում, ինչին բոլոր միջոցներով օժանդակում էր Օգոստոսը, դրանում է թաքնված Արևելքում նրա դիվանագիտական որոշ հաջողությունների զաղտների լուծումը»³⁹։ Ի հաստատումն ասվածի, կարելի է հիշատակել Պոմպեոս Տրոգոսի և Դիոն Կասիոսի հաղորդումները մ. թ. ա. 20-ական թվականներին Արշակունյաց տոհմից ոմն Տրգատի ապստամբության մասին, որը մի քանի տարի շարունակ Հռոմի օժանդակությամբ վիճարկում էր պարթևական զահը Հրահատ IV-ի հետ⁴⁰։ Գ. Կոշելնեկոյի խոսքերով, այս ժամանակաշրջանում «Պարթևական տերության մեջ սկսվում է հելլենիստական ժառանգության վերամշակումը և պետական կառավարման սխտեմում ու մշակույթի մեջ տեղական, արևելյան հիմքերի հաստատումը... Այս խնդրի նկատմամբ իշխող խավերի տարբեր մոտեցումը և լուծման տարբեր մեթոդներն էլ ծնեցին այն անվերջանալի երկպառակությունները Պարթևստանում, որոնք պետական իշխա-

³³ Jos. Flav., Ant. Jud. XV, 4, 3.

³⁵ P. Orosius, Historia Adversum Paganos, VI, 21, 29.

³⁶ Strabo, Geographica, XXVI, 1, 28.

³⁷ А. Степанян, Борьба Армении и Парфин с римской экспансией и Ранденский договор (автореферат канд. дисс.), Ереван, 1975, с. 4—6.

³⁸ Cass. Dio, LIV, 9, 3—4.

³⁹ И. Головкин, Римско-парфянские политические взаимоотношения в I в. до н. э. (автореферат канд. дисс.), Одесса, 1952, с. 15.

⁴⁰ Just., XLII, 5, 4—6; Cass. Dio, LI, 18, 3.

նության թույլ կենտրոնացվածության պայմաններում էապես թուլացրին նրա դիրքերը Հռոմի հետ Առաջավոր Ասիայում ազդեցության ոլորտների համար վեճում⁴¹։ Ներքաղաքական սուր պայքարի մասին է վկայում Հրահատ IV-ի կողմից մ. թ. ա. 10 թ. կամավոր կերպով իր 4 ավազ որդիներին Հռոմ պատանդ ուղարկելը⁴²։ Ստրաբոնի և Տակիտոսի բացատրությամբ Հրահատ IV-ի նպատակն էր այդպիսով կանխել իր դեմ ուղղված դավադրությունները, քանի որ ըստ պարթևական օրենքների դահի հավակնորդ կարող էր լինել միայն ծագումով Արշակունի անձնավորությունը⁴³։

Սրանք էին Հայաստանի նկատմամբ Պարթևական տերության պատիվ, հանդուրժողական քաղաքականության հիմնական պատճառները։ Պարթևական քաղաքականության այս գիծը շարունակվեց մինչև մ. թ. 16 թ.։

Մ. թ. 11 թ. պարթևական գահին նստած հռոմեական դրածո Ոնոն I-ի դեմ ապստամբություն է սկսվում։ Պարթևական ավագանին իշխանության է հրավիրում Արտավան III-ին, որը այդ ծանակ Ատրպատականի արքան էր⁴⁴։ Տակիտոսը հաղորդում է, որ Արտավանը տարվաբար Արշակունի էր, դահիների մեջ մեծացած⁴⁵։ Ջ. Անդրեոսն այն կարծիքին է, որ Արտավան III-ը հայրական գծով սերում էր Ատրպատականի արքայական տնից, իսկ քանզի մոր կողմից էլ Արշակունի էր, ուրեմն և տեղական իշխող դինաստիայի վերացումից հետո օրինական կարգով դարձել էր Ատրպատականի թագավոր⁴⁶։ Ա. Ստեփանյանի կարծիքով Արտավան III-ը սկյութական արիստոկրատիայի ներկայացուցիչն էր պարթևական գահին, սերված Պարթևստանի հյուսիս-արևելյան շրջաններից, և նրա ձգտումը՝ վերականգնել Աքեմենյանների տերության սահմանները, այս քաղաքական խմբավորման ծրագիրն էր հանդիսանում⁴⁷։

Մ. թ. 12 թ. Արտավան III-ը հաստատվում է պարթևական գահին։ Տակիտոսը հաղորդում է, որ Ոնոնը փախավ Հայաստան և այստեղ թագավորելու ընդունվեց⁴⁸։ Սակայն Արտավան III-ը Հռոմին սպառնում է պատերազմով, եթե նրա օժանդակությամբ իր ախույանը շարունակի կառավարել Հայաստանում։ 16 թ. Ասորիքի հռոմեական կուսակալ Կրետիկոս Սիլանը, խուսափելով Արտավան III-ի հետ պատերազմից, Ոնոնին հրավիրում է իր մոտ և վերցնում պատվազար կալանքի։ Նույն թվականին Արտավան III-ը փորձում է հայկական գահին հաստատել իր օրդոն որդուն⁴⁹, սակայն հայ ժողովրդի և ավագանու հակակրանքի պատճառով հաջողության չի հասնում։ Արտավանի այս քայլը սկիզբն էր Հայաստանի նկատմամբ Պարթևական տերության նոր՝ ագրեսիվ, նվաճողական քաղաքականության, որը շարունակվեց Արտավան III-ի կառավարման ողջ ընթացքում, ինչպես և նրա անմիջական հաջորդների՝ Վարդանի և Գոտարզի կառավարման օրոք։

Որն էր այս քաղաքականության ագրեսիվությունը։ Պարթև տիրակալի որդու թագավորելով՝ Հայաստանը վերածվում էր Պարթևական տերությանը հպատակ նույնպիսի մի թագավորության, որպիսին էին Ատրպատականը, Մարաստանը, Էլամը⁵⁰։ Սակայն, ինչպես կոտենենք ստորև, Հայաստանին տիրանալը միայն նվաճողական ավելի լայն ծրագրերի մի մասն էր։

Արտավան III-ի առաջին փորձը՝ տիրանալու Հայաստանին, հաջողություն չունեցավ։ Պարթևական գահին իրեն դեռևս ամուր չզգտլով շարունակվող ներքաղաքական պայքարի պայմաններում, Արտավան III-ը լռելյայն հաշտվեց Հռոմի կողմից 17 թ. Հայաստանի գահին հայ ազնվականության և ժողովրդի թեկնածու Ջենոն-Արտաշեսի հաստատմանը։ Արտավանն անգամ Հռոմին առաջարկեց վերականգնել հռոմեա-պարթևական բարեկամությունն ու դաշինքը, խընդրելով Ասորիքից հեռացնել իր իշխանության դեմ պարթև ավագանուն խոռվության հրահրող

⁴¹ Г. Кошеленко, Внутривосточная борьба в Парфии (ВДИ, 1963. № 3, с. 56).

⁴² Res gestae divi Augusti, 32.

⁴³ Tacitus, Annales, III, 1; Strabo, XVI, 1, 28.

⁴⁴ Jos. Flav., Ant. Iud., XVIII, 48.

⁴⁵ Tac., Ann., III, 3.

⁴⁶ САН, vol. X, p. 278.

⁴⁷ А. Степанян, ԶԳՎ. ԶԳՎ. էջ 14.

⁴⁸ Tacit., Ann., II, 4.

⁴⁹ Jos. Flav., Ant. Iud., XVIII, 52.

⁵⁰ U. Kahrstedt, Artabanos III und seine Erben, Bern, 1950, S. 46—47.

Ունենին՝ Նշենք, որ Արտավան III-ի առաջարկը հետապնդում էր նաև մեկ այլ, ոչ պակաս կարևոր, քաղաքական նպատակ, և այն ընդունելով Հռոմը իրաստորեն նրան ճանաչելու էր որպես Պարթևական տերության օրինական գահակալ:

Հայաստանը հպատակեցնելու իր հեռանկարային ծրագրից, սակայն, Արտավան III-ը չհրաժարվեց 34 թ. Ջենոն-Արտաշեսի մահվանից հետո նա Հայաստանում թագավորեցրեց իր ավագ որդուն՝ Արշակին (34—36)⁵²:

Հայաստանի վրա մ. թ. ա. I դ. վերջից սկսած Հռոմի և Պարթևական տերության գործադրած մշտական քաղաքական ճնշումը և Արտաշեսյան հարստության անկումը երկրում առաջացրել էին ներքաղաքական լարված իրավիճակ, մեծապես ազդելով հայ հասարակության տարբեր խմբավորումների քաղաքական կողմնորոշման վրա՝ ծնունդ տալով քաղաքական մի շարք հոսանքների: Հայաստանի գահին հայ հասարակության կողմից Ջենոն-Արտաշեսի գահակալության սիրահոժար ընդունումը կարձնել են տալիս, որ Արշակի գահակալումը, որն «ամենայն հավանականությամբ շոշափում էր երկրի անկախության շահերը»⁵³, նույնպես հակառակ էր հայ ավագանու և ժողովրդի մեծամասնության՝ Հայաստանի քաղաքական անկախությունը վերականգնելու ձգտմանը: Այդ է վկայում թեկուզ այն իրաստ, որ Հռոմի դրդմամբ կազմակերպված Արշակի սպանությունը հաշտության Հայաստանի գահի շուրջը ծավալված գահակալական պայքարում և երկրում ընթացող պատերազմական գործողությունների հանդեպ հայ ավագանին չեզոք դիրք է գրավում, և պատերազմող կողմերից որևէ մեկին նրա հարելու մասին աղբյուրները ոչ մի տեղեկություն չեն հաղորդում:

Այն հանգամանքը, որ Արտավան III-ը հակառակ հայ ավագանու և ժողովրդի ցանկության իր որդուն թագավորեցրեց Հայաստանում, դրանով իսկ երկիրը վերածելով իր տերության կախյալ թագավորություններից՝ մեկի, մեզ իրավունք է տալիս պարթևական քաղաքականությունը Հայաստանի նկատմամբ այս ժամանակաշրջանում համարել ագրեսիվ, նվաճողական: Դրա յաճախումը վկայությունն է և այն, որ Արտավանի կողմից Հայաստանի հպատակեցումը Աքեմենյանների տիրապետության սահմանները վերականգնելու ագրեսիվ քաղաքական ծրագրի մի մասն էր: Ըստ Տակիտոսի, «նա հռոմեացիներին վիրավորանք հասցրեց, մարդկանց ուղարկելով ուսահանելու իրեն հանձնել Սիրիայում և Կիլիկիայում Ունենի թողած գանձերը, խոսում էր պարսիկների և մակեդոնացիների նախկին սահմաններից, ամբարտաճանախում և սպառնալով ներխուժել Կյուրոսի և Ալեքսանդրի տիրույթները»⁵⁴: Ի կատարումն իր այս ծրագրերի, Արտավանը ավարտառական արշավանք է կատարում Կապադովկիա⁵⁵:

Արտավան III-ի ագրեսիվ նկրտումները սանձելու և իր տիրույթները պաշտպանելու համար Հռոմը, մեծ գումարներ հատկացնելով, Իսերիայի և Ադվանքի թագավորներից հակապարթևական կռիվից կազմակերպեց⁵⁶: Հայոց գահի հավակնորդ Միհրդատ Իսերացու սադրանքով Հայաստանում թագավորող Արշակը դավադրաբար սպանվեց, Հռոմեական Ասորիքի կուսակալ Նշանակվեց ճարպիկ դիվանագետ Լուցիոս Վիտելիոսը, որը սկսեց հաջողությամբ դավադրություններ հրահրել Արտավան III-ի դեմ: Հռոմում ապրող Հրահատ IV-ի թոռ Տրդատը հայտարարվեց պարթևական գահի օրինական հավակնորդ և Հռոմի օժանդակությամբ տիրացավ Միշագետին⁵⁷: Հռոմի հրահրած խաղաղամեծների հետևանքով Արտավան III-ը նույնիսկ ժամանակավորապես, գրկվեց գահից: Այս ամենի շնորհիվ Հռոմը կարողացավ վերահաստատել իր գերիշխանությունը Հայաստանի վրա: 37 թ. պարթևական գահին վերահաստատված Արտավան III-ը ստիպված էր Հռոմի հետ հաշտություն կնքել⁵⁸:

⁵² Tacit., Ann., II, 58.

⁵³ Suetonius, Tiberius, 41; Jos. Flav., Ant. Iud., XVIII, 4; Cass Dio, LVIII, 26.

⁵⁴ А. Степанян, Политическая обстановка в Армении во втором десятилетии I в. н. э. («Сборник аспирантских научных трудов Арм. пед. инст. им. Х. Абовяна», № 5, вып. 3, Ереван, 1971, с. 121).

⁵⁵ Tacit., Ann., VI, 31.

⁵⁶ Cass. Dio, LVIII, 26, I.

⁵⁷ Jos. Flav., Ant. Iud., XVIII, 97.

⁵⁸ Tacit., Ann., VI, 32; Cass. Dio, LXVIII, 26, 2.

⁵⁹ Suet. Galus, 14; Jos. Flav., Ant. Iud., XVIII, 100—101; Cass. Dio LIX, 27, 3.

Լուսինե 6—5

Պարթևական տերության մեջ դրանից հետո էլ դեռ շարունակվեց ներադաքական սուր պայքարը: Արտավան III-ի մահից հետո գահին տիրանալու համար տեական պայքար էր ընթանում Վարդանի և Գոռարզի միջև: Տակիտոսի և Հովսեփոս Փլավիոսի մոտ պահպանված ույսգրավ վկայությունները հիմք են տալիս պնդելու, որ Պարթևական տերության ագրեսիվ նվաճողական քաղաքականությունը շարունակվել է և Վարդանի ու Գոռարզի կառավարման ընթացքում: Ըստ Տակիտոսի, Սելևկիայի պաշարումն ավարտելով, նման հաջողությունից ոգևորված Վարդանը ղի էր վճռակալություն քննարկելու Հայաստանը և նման փորձ կենտրոնացրել, եթե Ասորիքի կուսակալ Վիթիոս Մուսուր նրան սպառնալու չպահանջեր⁵⁹: Տակիտոսը նաև հաղորդում է, որ այս արշավանքը նախապատրաստելու նպատակով Վարդանը այցելել է յուր... երուսյան կարևորագույն մարդերը և հպատակ թագավորությունները: Այս հաղորդումը մանրամասնելով լրացնում է Հովսեփոս Դլավիոսը, պատմելով, որ Վարդանը Ագիաբենիի Իզատես թագավորին այցելելով՝ «փորձում էր նրան համոզել զորական ուժեր նախապատրաստել և մասնակցել այս արշավանքին»⁶⁰:

Վարդանի ծրագրած արշավանքը չիրագործվեց: Դրա պատճառը ոչ թե Ասորիքի կուսակալի սպառնալիքներն էին և կամ էլ Իզատեսի արշավանքին մասնակցելուց հրաժարվելը, այլ Գոռարզի հետ վերսկսված գահակալական պայքարը: Վարդանի գավազական սպանությունից հետո էլ գահին տիրացած Գոռարզը համարյա մինչև իր մահը ստիպված էր գահակալական պայքարը շարունակել հռոմեական նոր թեկնածու Միհրգատի դեմ: Ասվածն իրավունք է տալիս պնդելու, որ Վարդանի և գուցե Գոռարզի կառավարման ժամանակաշրջանում էլ, արտաքուստ բացահայտորեն չդրսևորվելով, Հայաստանի նկատմամբ Պարթևական տերության ագրեսիվ քաղաքականությունը շարունակվում էր:

Պարթևական տերությունում Արտավան III-ի կառավարման վերջում սկիզբ առած գահակալական տեական պայքարը, որին Հռոմն ամեն կերպ օժանդակում էր, վերջինիս հնարավորություն տվեց Հայաստանը սահել իր գերիշխանության տակ, և հայոց գահին հաստատել Իբերական արքայազանների կայսրության Միհրգատին, որը որոշ ընդմիջումով կառավարեց 37—51 թվականներին: Հռոմի թողնված իրավունքները կառավարելով նրա սպանությունը, 51 թ. հայոց գահին տիրացավ Միհրգատի եղբորորդի Հռոդամիդը, որի արյունալի ոճիրը և դժան կառավարումն արժանացան հայ ժողովրդի բացահայտ առեւտրային ու թշնամանքին:

Գահակալական երկարատև պայքարը Պարթևական տերությունում ավարտվեց 51 թ. Վաղարշ I-ի (51—75) գահակալությամբ, որից սկսած Պարթևական տերության քաղաքականությունը Հայաստանի նկատմամբ որակապես փոխվեց: Իր քաղաքական ծրագրում Վաղարշ I-ը, համաձայն Տակիտոսի, Հայաստանը համարելով Արշակունիների տոհմական տիրույթներից երրորդը՝ Պարթևստանից և Ասորյապատանից հետո, հայտարարում է, որ «գերադասում է իր նախնիների տիրույթը պահպանել հենվելով առավելապես արդարության վրա, քան արյուն հեղելով, հիմնվելով առավելապես իրավունքի վրա, քան զենքի»⁶¹: Այժմ արդեն Հայաստանը գիտելով որպես անկախ ինքնուրույն պետություն, Պարթևական տերությունը ձգտում էր միայն հայոց գահին Արշակունի թագավոր հաստատել, դինաստիական ազդակցությամբ չեզոքացնել Հայաստանի թշնամության վտանգը: Վարելով հայ ավագանուն և ժողովրդին իր կողմը գրավելու քաղաքականություն, Վաղարշ I-ը Հայաստանից վտարելով Հռոդամիդին և գահը հանձնելով եղբորը՝ Տրդատին, երկրից դուրս է բերում իր զորքերը, կավազուն ապացույցը, թե ինչպիսի հաջողություն ունեցավ հայ ժողովրդին սիրաշահելու և նրա սովորություններն ու իրավունքները հարդելու քաղաքականությունը, Հռոդամիդի կողմից գահին տիրանալու նոր փորձի դեմ ծագած ժողովրդական ապստամբությունն է և Տրդատի առջև հայոց արքայախոս քաղաքներ Արտաշատի և Տիգրանակերտի դարպասների հոժարակամ բացումը, ինչպես նաև հռոմեական բանակների դեմ ծավալված հետագա պայքարում հայերի ակտիվ մասնակցությունը: Ա. Ստեփանյանը իրավացիորեն գրում է, որ «Արտաքին քաղաքականության մեջ Վաղարշ I-ը խնդիր էր դնում ճիշտորեն դարձնել անսասան սահման Հռոմի և Պարթևական տերության միջև: Իսկ դրա համար առաջին հերթին ահաժեշտ էր վերականգնել հայ-պարթևական համագործակցությունը՝ Հռոմի ճնշմանը դիմադրելու համար»⁶²:

⁵⁹ Tacit., Ann., XI, 10.

⁶⁰ Jos. Flav. Ant. Iud., XX, 69.

⁶¹ Tacit., Ann., XV, 2.

⁶² А. Степанян, Борьба Армении и Парфии..., с. 17.

Հանրագումարի «բերելով քննարկվածը, կտրելի է հայ-պարթևական հարաբերությունների առաջին ժամանակահատվածում՝ մ. թ. ա. II դ. վերջ—մ. թ. I դ. առաջին կես, Հայաստանի նկատմամբ Պարթևական տերության վարած քաղաքականությունը պայմանականորեն բաժանել հետևյալ հինգ փուլերի».

1-ին փուլ՝ մ. թ. ա. II դ. վերջից—մ. թ. ա. I դ. 50-ական թվականներ— ի սկզբանե Հայաստանը և Պարթևական տերությունը մրցակցում են թուլացող և մասնատվող Սելևկյան տերության տարածքային ժառանգորդման հարցում, և եթե առավելությունը նախապես պարթևների կողմն էր, ապա Տիգրան Մեծի կառավարման ընթացքում գերիշխող կողմը Հայաստանն էր:

2-րդ փուլ՝ մ. թ. ա. 53—20 թթ.— Պարթևական տերությունը և Հայաստանը հաջորդությամբ գաղնակցում են՝ պայքարելով Հռոմի դեմ և մի շարք ավարառուական արշավանքներ կատարում Պարսպատիկ ու Ասորիք:

3-րդ փուլ՝ մ. թ. ա. 20 թ.— մ. թ. 16 թ.— Օգոստոսի օրոք ուժեղացած Հռոմի ռազմաքաղաքական ճնշման և ներքաղաքական լարված պայքարի հետևանքով Պարթևական տերությունը վարում է պահպանողական քաղաքականություն, հանդուրժելով Հայաստանի գահակալության խնդրի լուծման Հռոմի «բոլոր դորժողությունները»:

4-րդ փուլ՝ մ. թ. 17—50 թթ.— Արտավան III-ի և նրա անմիջական հաջորդների կառավարման ընթացքում Պարթևական տերությունը վարում է արտաքին ագրեսիվ, նվաճողական քաղաքականություն, ձգտելով վերականգնել Արեւմտյանների տերության սահմանները, իսկ Հայաստանը վերածել տերության կախյալ թագավորություններից մեկի:

5-րդ փուլ՝ 51—63 թթ.— ներքաղաքական պայքարի ժամանակավոր դադարի շնորհիվ Պարթևական տերությունը ակտիվ պայքար է ծավալում Հայաստանը Հռոմի գերիշխանությունից դուրս բերելու և նրա գահին Արշակունի թագավոր հաստատելու համար, ինչը օբյեկտիվորեն համընկավ հայ ժողովրդի հակահռոմեական ազատագրական պայքարին:

ПОЛИТИКА ПАРФЯНСКОЙ ДЕРЖАВЫ ПО ОТНОШЕНИЮ К АРМЕНИИ (опыт периодизации)

АРМЕН ХАЧИКЯН

Резюме

Подробный анализ парфяно-армянских отношений с начала их возникновения и до заключения Рабдейского договора позволяет политику Парфянской державы по отношению к Армении условно подразделить на следующие этапы: I этап: конец II в. до н. э.—50-ые годы I в. до н. э.—сопернический. Парфянская держава и Армения сталкиваются в вопросе территориального наследия разваливающейся державы Селевкидов, и если вначале преимущество было за Парфией, то в период правления Тиграна II верх взяла Армения; II этап: 53—20 гг. до н. э.—союзнический. Парфянская держава в союзе с Арменией успешно противостоит угрожавшей обеим агрессии Рима и проводит в ответ несколько успешных походов в Сирию и Палестину; III этап: 20 г. до н. э.—16 г. н. э.—пассивный. Под усилившимся при Августе военно-политическим давлением Рима и вследствие острей внутривосточной борьбы Парфянская держава, не препятствуя, признает все действия Рима в вопросе престолонаследия Армении; IV этап: 17—50 гг. н. э.—агрессивный. В правление Артабана III и его ближайших преемников Парфия проводит захватническую политику, стремясь восстановить границы Ахеменидов и превратить Армению в одно из зависимых царств своей державы; V этап: 51—63 гг. н. э.—активный. Вследствие временного ослабления внутривосточной борьбы Парфянская держава активно включается в борьбу с Римом за утверждение на троне Армении Тиридата Аршакида, впрямь рассматривая страну как суверенное государство, что объективно совпало с антиримской освободительной борьбой армянского народа.